

A Repentimentu:

❖ Posponiendo repentimentu.

- Na Lazaro su kas, Hesus a papia tokante asuntunan importante, vital pa salbashon. Pero Marta no a skucha. E no tabatin tempu. Tabatin asina tantu kosnan pa hasi! (Lukas. 10:40-41).
- Esaki tambe ta sosodé na nos. Ora ku nos a peka, i e Spiritu Santu ta yama nos na repentimentu, Satanás ta yena nos ku aktividat, preokupashonnan, òf kualkier otro distraishon ku ta prevení nos di reflehá riba nos situashon pekaminoso i buska pordon.
- Pero Dios no ta pèrdè speransa. E ta persistí den Su yamada (Ezek. 33:11). E ta kompará nos pikánan ku pañanan sushi(fis) (Isa. 64:6). E ta ofresé un kambio: nos pañanan sushi pa Su pañanan limpi (Zak. 3:4), pañanan labá den e sanger di Hesus (Rev. 7:14).

❖ Berdadero repentimentu.

- Kiko ta repentimentu? Kiko ta e diferencia entre berdadero repentimentu i repentimentu fingí? (2 Kor. 7:10)
- Ora ku un piká ta trese konsekuensianan inmediato i no desea, remordementu ta lanta. Ta un berguensa pasombra loke nos a hasi no a resultá bon. Si no tabatin konsekuensianan negative, nos lo no sinti tristesa pa nos akshonnan. Esaki NO ta berdadero repentiment (manera tabata den e kaso di Hudas).
- Ora ku e realidat presis di a hasi piká ta loke a kousa nos tristesa, i un deseo profundo di wòrdu pordoná (sea òf no ku tabatin konsekuensianan negativo), nos ta wòrdu enfrentá ku berdadero repentimentu (manera tabata den e kaso di Pedro).
- Ora ku nos peka, e Spiritu Santu “ ta kibra nos na pida pida ” i “ a heridá ” nos ku un sentido profundo di tristesa. Si nos respondé ku berdadero repentimentu, Dios ta kura nos, pordonando nos pikánan (Oseas. 6:1 NIV).

❖ E yamada pa repentimentu.

- Juan Boutista i Hesus a kuminsá nan ministerio ku e mesun mensahe: “Repentí” (Mat. 3:1-2; 4:17).
- Pakiko repentimentu ta importante? Pasombra sin dje no tn ningun pordon pa pikánan (Echonan 2:38; 3:19). Kon e proseso aki ta sosodé?
 - (1) Pa motibu di Su bondat, Dios ta yama nos na repentimentu (Rom. 2:4)
 - (2) Nos ta kontestá Su yamada.
 - (a) Ku tristesa sinsero pa e kosnan robes kometé.
 - (b) Ku e desishon honesto pa bandoná piká.
 - (3) Dios ta pordoná nos pikánan pa medio di birtut di e sanger ku Hesus a drama riba e krus (Kol. 1:13-14)
- Nota ku repentimentu i pordon semper mester guia nos na un reformashon; na un kambio di aktitut ku ta guia nos pa stòp di peka (Juan. 5:14).

B Pordon:

❖ E gracia di pordon.

- No tin nada ku ta forsa Dios pa pordoná nos. No tin nada ku nos lo por hasi pa meresé e pordon ei. Dios ta duna nos pordon dor di gracia; pa medio di Su amor infinito. E ta pordoná pasombra E ta “ bon, i kla pa pordoná, i abundante den misericòrdia ” (Salmo 86:5; wak Eksodo 34:6-7).
- Su amor a gui’E pa entregá Su mes riba e krus, i paga e debe di piká ku nos no por paga (Efe. 2:4-5).
- Ora ku nos trese nos pikánan na e pia di e krus, Hesus ta libra nos for di e karga ku ta hundi nos. (Heb. 12:1-2).

❖ Bistínan di pordon.

- E Iglesia di Dios — i p’esei kada un di su miembronan — ta bistí na “ lino fini, limpi i bryante ” i “ sin mancha ni ploi ni nada paresido ” (Rev. 19:8; Efe. 5:27).
- E lino fini aki ta un símbolo di “ e echonan hustu di e santunan ” (Rev. 19:8b). Pero e hustisia aki no ta di nan mes; Esaki a wòrdu duná na nan dor di Kristu (Rev. 7:14).
- Ora ku Adam i Eva a peka, nan a kubri nan desnudes ku nan propio obranan. Pero ainda nan a konsiderá sunú dilanti di Dios (Gen. 3:7-10). E paña ku Dios a proveé tabata un símbolo di e “ paña di kasamentu ” ku Kristu ta duna nos: Su hustisia perfekto ku ta kita nos pikánan (Gen. 3:21; Salmo. 51:7-10).
- Ningun hende lo bai Shelu sin e bistí ei (Mt. 22:1-14).